

Vahbaihna: Youq seizdaih moq buekguh, vunz Cunghgoz Gungcanjdangj laebceiq guhbaenz saehnieb hungmbwk;

Youq gwnz loh moq byongh bae, vunz Cunghgoz Gungcanjdangj laemxsim mbouj bienq haenqrengz baenaj.

Aen hoih Cunghgoz Gungcanjdangj Baez Ngeihcib Daengx Guek Daiqbiuj Daihhoih daengx seiqgyaiq cimyawj haenx, gaenq youq 10 nyied 22 hauh youq Baekging hai sat. Vih haeujlaeg ciuq gij cingsaenz Ngeihcib Daih Dangj raeuz caeuq gij cingsaenz gangjvah youqgaenj Siz Ginbingz cungjsuhgi guhdaengz caezcup, yamq dem yamq hawj gij gezcwz baijbouh ndaej hengz caez, ndaej guhbaenz, Gvangjsih Minzczuz Bause hai aen conhlanz, laebdaeb fat faenzcieng ndei, guhneix caezhoz gyonj rengz, hawj gak cuz yinzminz giendingh saenqsim, caezsim caezhoz, vih cienzmienh hwnqguh aen guekgya sevei cujyi yendaiva, cienzmienh doihaeuj Cunghvaz Minzczuz fukhwng hungmbwk bae doxgiet buekguh.



Miz Dangj Aemqlaeng Ngoenzndei Raez

有党依靠幸福长

□ Guj Gyah/ 古 佳

Dangj hai Ngeihcib Daih,
Bouxboux maij ndawsim,
Saeh neix naek lumj gim,
Lwgminz bouxboux angq.

Dangj hai Ngeihcib Daih,
Lumj va hai rim biengz,
Bouxcuengh gaen bae riengz,
Ciengq fwen daeuj goenghoh.

Bak lai bi gvaqdaeuj,
Raeuz baengh dangj gwndaenj,
Yienghyiengh guh ndaej baenz,
Raen ndei caez ndei doh.

Miz dangj daeuj daiqdaeuz,
Raeuz mbouj you mbouj hei,
Ngoenzneix miz fukgveiq,
Diendeih hix dopfwngz.

Gaxgonq bae hoenxciengq,
Mbouj lau sieng lau dai,
Gungcanjdangj ak lai,
Vih vunzlai buekmingh.

Dangjcunghyangh daiqroen,
Hoenx cien bing fanh max,
Sinhoj hix saet gvaq,
Gaem dienhyah daengz fwngz.

Miz daemz cij miz bya,
Miz naz cij miz haeux,
Gungcanjdangj okdaeuj,
Raeuz cij raen mbwnrongh.

Ndawsingz dwg laeuz sang,
Gyanggai roenhaw moq,
Ci gvaq doh ciep doh,
Nauh'oo gvaq ngoenz.

Lajmbanj ranzlaeuz moq,
Goengloh bingz youh gvangq,
Vunzmbanj bouxboux angq,
Fwen hap langh ndawrungh.

Cungguek ndaej bienqvaq,
Daihgya bouxboux rox,
Mbouj miz dangj yinx loh,
Gungzhøj nanz ndaej duet.

Hajcib roek minzczuz,
Hajcib roek duj va,
Miz dangj daeuj danggya,
Va doxgiet hai hoengz.

Gag minzczuz beixnuengx,
Gaen riengz Dangjcunghyangh,
Miz saeh couh doxhang,
Lumj ranz ndeu ityiengh.

Miz feihgih hwnj mbwn,
Miz ruz cunz gvaq haij,
Guekgya raeuz leixhaih,
Daihdaih cungj fouqgiengz.

Gungcanjdangj lumj boh,
Yienghyiengh goq haeuj sim,
Sinhoj vih lwgminz,
Mbouj in rengz in hanh.

Gungcanjdangj lumj meh,
Miz de cij miz raeuz,
Ranz onj baengh diuz saeu,
Guek gyaeu baengh miz dangj.

Ngeihcib Daih ciuhai,
Vunzlai bouxboux angq,
Va baengh ndit cij rang,
Raeuz baengh dangj cij yungz.

Caeuq dangj caemh diuz sim,
Cien gim vuenh mbouj nyaih,
Raeuz miz dangj daeuj daiq,
Mbwn haih hix mbouj lau.

Gungcanjdangj hengz saeh,
Ndei rwix cungj faenmingz,
Cwngcwz diuzdiuz cingq,
Raeuz itdingh ciuq hengz.

Gungcanjdangj caen ndi(nde),
Vix loh gwnz loh laj,
Youq ngoenz ngeix bae naj,
Guekgya engq hwngvuengh.

Raeuz beksingq Cungguek,
Buekmingh gaen dangj byaij,
Miz Dangjcunghyangh daiq,
Fanh daih gvaq ngoenzndei.

“Daiq.” Gou yawj bohgox youh mbouj oksing, couh gag bang bohgox dap, “ndawranz de miz haujlai ngwzdoeg, byawz gamj bae lid?”

“Vihmaz mbouj ram aen loengz ciengx ngwzdoeg okdaeuj aeu feiz coemh dai gyoengqde ne? Ce youq gizhaenx saeklaeuq ngwzdoeg buet okdaeuj baenzlawz suengq?” Daiq yienznaeuz naj coh gou, gij vah de cix dwg naeuz hawj bohgox dingq.

“Byawz gamj bae ram ha?” Daxmeh youq henz cabbak le song coenz, “de aeu maz loengzdietsienq ciengx duzngwz? Gangj mbouj dingh baez ram gij daej loengh couh laeuh ne!”

“Gou couhdwg lau gijneix ha.” Bohgox ciep gij vah daxmeh gejnaeuz, “mboujyawx coq youq gizhaenx mbouj bae ning, gou gaenq lwnh hawj vunzmbanj lo, mbouj ndaej haeuj aen ranzdaemq ndawde bae.”

“Byawz gamj bae?” Daxmeh naeuz, “lauheiq coengzlaiz hix mbouj miz byawz gamj haeuj ndaw bae yamq

·Sawcuenhraez Lwngyez·

Gij Golwgnyez Henz Dahhoengz

红 水 谣

□ Lanz Haijyangz Moz Beibei / 蓝海洋 莫蓓蓓

ndeu ha.”

Gou cingq siengj naeuz gou gaenq youq ndaw ranzdaemq haenx naengh le haujlai nanz, bohgox couh ciep gij vah daxmeh gangj, “hawj doenghgij ngwzdoeg daengz dungx iek seiz gag doxhaeb, doeklaeng cungj daiiek caez.”

Daxdaiq gaemz doek gaemz cit doengzien, coenz vah maz hix mbouj gangj.

Daihngieihhaj Dauq-cungz Roxnaj Aulungzgeviz

Hwnzde gou fangzhwnz loqdwg-lau, loqraen haujlai duzngwz geuj

youq gwnz ga gou, gou deng hwk ndaej daengx ndang hanhheu, hemq Aulungzgeviz vaiqdi daeuj gaemh duzngwz bae, hoeng Aulungzgeviz cingqngamj mbouj youq henzgyawj. Sawqmw h miz duz ngwz he lumj genfwngz baenzneix hung daeuj haeb dungx gou gaemz he, gou swenj hwnjdaeuj.

Gou ndiu lo, aen sim lij diuqbubbub, gwnzndang cungj hanh dumz caez.

Hoeng gou lij caengz ndiu caez, luqlawq ndaejnyi baihrog miz vunz roq dou, caiq yawj henz ndang, daiq gaenq naengh youq gwnz congz, de beij gou lij ndiu gonq lo.

Sing roq dou yied daeuj yied gip, gengxdoengz bakdoulaux bongx dwk fajdou, youq gyanghwnz caemrwgrwg, gij sing neix daegbied coegrwg.

Bohgoux ninz youq rug henz hix ndiu lo, de cingq caeuq daiq gangj vah, daiq sing iq daezsingj de coenz ndeu: “Gaej hai dou.”

“Gou bae yawjyawj, lauheiq dwg ranz lawz oksaeh lo.”

Bohgoux daenj haizdaz, byaij coh bakdoulaux, gou riengjret diuq roengz lajcong, riengz youq baihlaeng de, gyanghwnz laepsaengsaeng, daiq yaek rag gou dauq gaenq mbouj gib lo.

(caengz sat)